



TOSHKENT DAVLAT YURIDIK UNIVERSITETI REKTORINING B U Y R U G ' I

15.10.2024

651-tm-son

Talabalarga intizomiy jazo chorasini qo'llash to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan qoidalarini buzish holatlari kuzatilmoqda.

Jumladan, 2024-yil 16-sentabr kuni universitet 2-binosi 307-xonada Jinoiy odil sudlov fakulteti 2-kurs talabasi Akbarov Javoxir Kaxramonovich o'zining kursdoshi Akbaraliyev Farrux Sharifovichning oldiga borib uning bo'yin sohasiga chap qo'lini qo'yib o'ng qo'lini F.Akbaraliyevga uzatib u bilan salomlashmoqchi bo'lganida uning mazkur xatti-harakatlari F.Akbaraliyevga yoqmaganligi uchun kelishmovchilik kelib chiqib o'zaro aytishib qolishadi.

Shundan so'ng, dars mashg'uloti tugaganidan keyin 2-bino 3-qavatda Akbarov Javoxir Kaxramonovich kursdoshi Akbaraliyev Farrux Sharifovichning orqasidan borib F.Akbaraliyevning chap yuz sohasiga o'ng qo'li bilan bir marotaba urib tan jarohati yetkazgan.

Talaba Akbarov Javoxir Kaxramonovich o'zining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003-yil 22-fevral) 43-bandi hamda Toshkent davlat yuridik universiteti Odob-axloq kodeksining 15-modda 2-xatboshisi (o'z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan Universitet haqida yuksak ijobiy taasurolit uyq'otish), 17-modda 2-xatboshisi (har qanday huquqbuzarlik yoki jinoyat sodir etish), 17-modda 4-xatboshisi (tinchlik yoki osoyishtalikka qarshi tajovuz qilish, janjallashish), 18-

modda 1-xatboshisi (talabalarning o‘zaro munosabatlari milliy qadriyat va an’analar, yagona jamoaviy muhit, o‘zaro hurmat va e’tibor, do‘stlik, hamjihatlik, halollik va adolat tamoyillariga asoslanishi lozim), 18-modda 2-xatboshisi (talabalarning o‘zaro munosabatlarida inson qadr-qimmatiga hurmatsizlik, shaxsiyatni kamsitish, qo‘pollik, behayo so‘zlar ishlatish, mushtlashish qat’iyan man etiladi), 26-modda 4-xatboshisi (odob-axloqqa oid milliy an’analarimiz, urf-odat va qadriyatlarimizni hurmat qilish)da belgilangan qoidalarini qo‘pol ravishda buzgan.

Talaba Akbaraliyev Farrux Sharifovich o‘zining yuqoridagi xatti-harakatlari bilan Oliy ta’lim to‘g‘risidagi nizomning (ro‘yxat raqami 1222, 2003- yil 22-fevral) 43-bandi hamda Toshkent davlat yuridik universiteti Odob-axloq kodeksining 15-modda 2-xatboshisi (o‘z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda o‘zlarining namunali xulq-atvori bilan Universitet haqida yuksak ijobiy taasurot uyg‘otish), 18-modda 1-xatboshisi (talabalarning o‘zaro munosabatlari milliy qadriyat va an’analar, yagona jamoaviy muhit, o‘zaro hurmat va e’tibor, do‘stlik, hamjihatlik, halollik va adolat tamoyillariga asoslanishi lozim)da belgilangan qoidalarini buzgan.

Yuqoridagilarni inobatga olib, O‘zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta’lim muassasalari talabalari o‘qishini ko‘chirish, qayta tiklash va o‘qishdan chetlashtirish tartibi to‘g‘risidagi nizomning 36-bandi “g” kichik bandi, O‘zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta’limning kredit-modul tizimida o‘quv jarayonini tashkil etish tartibi to‘g‘risidagi Nizomning 43-bandi to‘rtinchi xatboshisi, Oliy ta’lim to‘g‘risidagi nizomning (ro‘yxat raqami 1222, 2003-yil 22-fevral) 51-bandi, universitet Ichki tartib qoidalarining 83-bandiga asosan, shuningdek, universitet Odob-axloq komissiyasining 2024-yil 8-oktyabrdagi 38-son yig‘ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2024-yil 8-oktabrdagi 38-son yig‘ilish bayoni ma’lumot va ijro uchun qabul qilinsin.

2. Universitetning Odob-axloq kodeksi 15-modda 2-xatboshisi 17-modda 2-xatboshisi, 17-modda 4-xatboshisi, 18-modda 1-xatboshisi, 18-modda 2-xatboshisi, 26-modda 4-xatboshisi talabalarini buzganligi uchun Jinoiy odil sudlov fakulteti 2-kurs talabasi Akbarov Javoxir Kaxramonovich talabalar safidan chetlashtirilsin.

3. Universitetning Odob-axloq kodeksi 15-modda 2-xatboshisi, 18-modda 1-xatboshisi talabalarini buzganligi uchun Jinoiy odil sudlov fakulteti 2-kurs talabasi Akbaraliyev Farrux Sharifovichga hayfsan intizomiy jazo chorasi qo‘llanilsin.

4. Fakultet dekanlari (Sh.Saydullayev, D.Umarxanova, D.Kamalova, B.Musayev, A.Babadjanov) mazkur buyruq mazmun-mohiyatini talabalarning shaxsini sir saqlagan holda talabalar e’tiboriga yetkazilishi va har bir akademik

guruhda keng muhokama qilinishini ta'minlasin.

5. Jinoiy odil sudlov fakulteti dekani (D.Kamalova) mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

6. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

D.KAMALOVA



Kelishildi:

Direktor

SH.PO'LOTOV



Bosh buxgalter

M.PARPIYEV



Direktor

X.PIRMEDOVA



Boshqarma boshlig'i

S.BOZAROV



Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Bo'lim boshlig'i

S.RAJABBOYEV



Katta yuriskonsult

A.TURSUNOV



Bo'lim boshlig'i

I.RO'ZIBAYEV

